

**Član 1.**

U Odluci o osnivanju Općinskog štaba civilne zaštite („Službeni glasnik Općine Tešanj“, broj 1/05), član 3. se mijenja i glasi:

„U miru Općinski štab civilne zaštite funkcionira u skladu sa godišnjim programskim aktivnostima, te u vrijeme kada prijeti prirodna ili druga nesreća, u vrijeme proglašenja stanja prirodne ili druge nesreće, za vrijeme vježbi civilne zaštite i u ratu“.

**Član 2.**

U članu 5. u četvrtom redu riječi „Centra osmatranja i uzbuđivanja (OiU)“ zamjenjuju se riječima „Operativnog centra civilne zaštite (OCCZ)“.

U tački 5. ovog člana u drugom redu, riječi „mjesnih zajednica“ zamjenjuje se riječima „mjesnog područja“.

Ispred prvog stava dodaje se novi stav koji glasi:

„U periodu od formiranja Općinskog štaba civilne zaštite pa do njegovog aktiviranja radi vršenja operativne funkcije zbog nastanka stanja prirodne ili druge nesreće, Štab provodi aktivnosti na upoznavanju sa dostignutim stepenom izgradnje sistema zaštite i spašavanja, razvojnom orijentacijom, obučava se i osposobljava za efikasno i pravilno ostvarivanje funkcije rukovođenja akcijama zaštite i spašavanja i izrađuje i provodi godišnje planove rada.“

Dosadašnji stav 1. postaje stav 2.

**Član 3.**

Član 6. mijenja se i glasi:

„Općinski štab civilne zaštite čine: komandant, načelnik i 11 članova Štaba, koje imenuje i razrješava Općinski načelnik“.

**Član 4.**

Član 7. mijenja se i glasi:

„Komandant Općinskog štaba civilne zaštite je Općinski načelnik.“

**Član 5.**

U članu 8. u trećem redu, riječi „je zamjenik“ zamjenjuje se sa riječju „mijenja“.

**Član 6.**

Član 9. mijenja se i glasi:

„Članove Općinskog štaba civilne zaštite čine:

1. Rukovodioci i uposlenici organizacionih jedinica u Općini,
2. Predstavnik PU IV, Policijske stanice Tešanj,
3. Predstavnik Doma zdravlja Tešanj sa poliklinikom,
4. Predstavnik JP Veterinarska stanica Tešanj,
5. Rukovodilac KP „Rad“ Tešanj,
6. Sekretar Crvenog križa Tešanj.“

**Član 7.**

Ova Odluka stupa na snagu danom objavljivanja u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA**

**Vedran Kaser, s. r.**

**Broj: 01-44-4-1720-2/10.**

**Datum: 07.06.2010. godine**

Na osnovu člana 12. Zakona o javnom redu i miru („Službene novine ZE-DO kantona“, broj:8/00,15/03,11/07 i 8/08) i člana 13. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 18. sjednici održanoj dana 31.05.2010. godine, donijelo je

**ODLUKU**

**o izmjenama i dopunama Odluke o radnom vremenu u određenim djelatnostima na području općine Tešanj**

**Član 1.**

U Odluci o radnom vremenu u određenim djelatnostima na području općine Tešanj („Službeni glasnik Općine Tešanj“, broj: 12/01) član 5. mijenja se i glasi:

„Početak i završetak radnog vremena u oblasti ugostiteljstva:

- ugostiteljski objekti za smještaj gostiju (samo smještajni kapaciteti ovih objekata), i ugostiteljski objekti u sklopu benzinskih pumpnih stanica radno vrijeme mogu utvrditi u vremenu od 0-24,00 sata;
- ugostiteljski objekti vrste: **disco klub** radno vrijeme mogu utvrditi u vremenu od 6,00 - 2,00 sata;
- **ostali ugostiteljski objekti** radno vrijeme mogu utvrditi u vremenu od 6,00 - 24,00 sata.

**Član 2.**

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA**

**Vedran Kaser, s. r.**

**Broj: 01-02-1-1973-2/10.**

**Datum: 07.06.2010. godine**

Na osnovu člana 60. Zakona o građenju ZE-DO Kantona („Sl. novine Zeničko-dobojskog kantona“, broj: 1/05 i 2/08) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 18. sjednici održanoj dana 31.05.2010. godine, donijelo je

**RJEŠENJE**

**o razrješenju i imenovanju člana Stručne komisije za davanje ocjene o mogućnosti legalizacije bespravno izgrađene građevine**